

鈴山堂集

鈴山堂集卷第四目錄

詩

郊祀

拜陵廟作

謁泰陵

西陵觀月

下陵作

謁陵途次東子淵太史

酬庵西侍讀見贈上陵之作

酬未齋宮諭見贈

全上卷集 三 卷四 金
酬石門侍讀見贈

宿昌平劉諫議祠次韻贈蒲汀學士

正德戊寅正月七日 駕自宣府回前期頌

廷臣服色是日大雪百官迎德勝門外首

奉觴致辭稱賀即事紀述

回鑾詩

賜衣

徐氏北樓

雨

登報國寺殿

冬閑和李宮諭

除夕和石潭學士時車駕狩于榆林

正德
丁丑

元日用前韻

送客

符子發京南邁予日思之恨不能從作此訊寄
再至都下子容侍讀兄叙舊見貽用韻和酬
少傅斯公歸丹徒

贈董宮諭

崔子謝病還鄴懷寄

贈劉使君之成都

贈汪尉

送進士陳則英歸覲

奉同溫宮諭移疾寺居之作

倫編修歸娶例贈

贈致政李尚書

湯處士

溫宮諭省覲

送王提舉

贈余太史副憲廣東

登慈仁寺閣餞楊殿撰

徐侍讀別後寄贈

胡進士出宰東陽便省尊翁僉憲送贈

贈劉

張侍御謫判晉州

贈侍御乾德

贈王克明進士之官郡

集壽僧房饒少司成汪先生之南京和席間韻

賦少師楊公石齋

題李學士畫

瞻宸樓

待曙樓

題楊時瀛州別業

聽琴

漁父

李學士薇園秋霽圖題贈

傳制遇雨紀事

鈴山堂集卷第四

詩前集

漁石唐龍

升菴楊慎評點

郊祀

天行駕鳳虯春祀重圓丘殿幄紅雲繞壇松壁月流
馨香薦明德穰簡集洪休萬國觀成事宮筵慶玉旒
拜陵廟作

六帝神遊迴諸陵御氣濃泉飛千尺瀑枝偃萬年松
一自仙城閉徒看雲壑重遺弓小臣抱悵望鼎湖龍

詞秦陵

先朝趨禁陛今日上陵臺詎識龍駟遠猶疑寶扇迴
雨垂蒼栢淚風動碧山哀千歲岐周下空傳鳳鳥來

二

季年深望治帝德日光輝聽攬收群策憂勤總萬機
最傷憑玉几那復見宵衣慟哭朝陵使秋晨奠幣歸

三

問士晨頒策焚香夜祝天恩同滄渤水東去無迴年
袞舄紅雲裏園陵白露前神遊念正室龍馭儻來還

乙丑廷試官中禱天
有願得真才之語

西陵觀月

萬古秋天月西陵午夜看影流蒼栢鱗光滿碧雲端
節序逢搖落山河對鬱盤憑高瞻玉宇正憶鳳樓寒

下陵作

歸驂悵何適遲回陵路東還循白石逕遙下翠微宮
冉冉開松霧飄飄墮澗風今宵有佳興明月萬山中
謁陵途次柬子淵太史

公我相攜又朝陵復此行暫違清禁直重問碧山程
聽雨驚宵夢看松愜野情喜隨冠蓋入立馬萬峰晴
酬崦西侍讀見贈上陵之作

時秋重祠事吾喜得山行是日愁霖淨風煙破曉晴
看雲千嶂立臨水一詩成爲誦瓊瑤句渾忘羈旅情
酬未齋宮諭見贈。

先皇陵殿枕秋風下馬來瞻夕照紅流水猶疑響環
珮長松只訝擁虬龍雄關北踞通秦塞疊嶂西馳迭
漢宮欲寫神功鑄嶧頌綠崖蒼壁倚天穹

栢林谿路轉紆餘怪石凌空不受驅帝作大邦勞眷
顧民於此地敢樵蘇峰巒四合看屏障水樹千重入
畫圖人世丹丘驚險絕仙山蓬島訝虛無

酬石門侍讀見贈。

翻屋秋霖作夜驚出城晴旭稱郊行設於夷險一身
事却以憂歡見友情山月解裝陵屋白澗風騎馬栢
林清浮塵擾擾非吾意臨羨滄州愧濯纓

宿昌平劉諫議祠次韻贈蒲汀學士

秋原六轡詠如絲蓬閣金蓮下直時貪看碧山頻駐
馬喜過琳宇謾題詩周田禾黍民歌歲漢室園陵吏
奉祠仙侶別離知不慣玉堂明月定相思

高館茶煙裊鬢絲話闌清漏轉多時塵埃偶下留徐
榻蘭柱重吟吊屈詩浮世光陰悲逆旅大邦名哲仰
新祠叫闈莫上憂時策倚檻蓮興萬古思

正德戊寅正月七日 駕自宣府回前期頒賜
廷臣服色是日大雪百官迎德勝門外首臣
奉觴致辭稱賀即事紀述

彪衣麟袍夾路來飛魚繡蟒皆新裁千官盡出都門
道萬乘遙從朔野回瑞氣晴浮丹鳳闕先聲曉過白
龍堆東風吹雪度城隈流英落絮舞徘徊王春玉曆
三陽動人口仙萸七葉開列炬通城明似晝騰車廣
陌沸成雷騎管下令羅霜仗帳殿留歡捧御杯小臣
獻壽頌休哉 陛下神武英雄才龍庭驅醜虜塞
滅氛埃寧如漢天子空上單于臺鴻名駿烈垂千禩

帝德皇風被九垓

回鑾詩

長楊騎火紅漢帝夜還宮觀兵誇出塞獻捷賀平戎
旌竿颭飛雪鏡吹喧高空百琛陳闕下八駿遊寰中
千歲昇平樂歡燕曲難終

賜衣

宮衣錦段新宜賜徧臣鄰繡紋盤虎豹金彩織麒麟
詔向龍沙遠頒從玉陛均拜登齊闕謝愧省獨牆循
士節論辭受君恩愛笑顰禮看超等級勞豈効消塵
荷德乾坤大糜財府庫貧先朝題歲月諸道貢奇珍

貂座儀章濫鵜梁諷諭陳縉紳皆用武輦輅尚留巡
暗憶垂裳治虛慙挾纊仁日占青海使寒望翠華春
未厭干戈後私嗟章甫身

徐氏北樓

徐君北樓上今賦北樓詩舊賞客頻異狂歌酒莫辭
簾開新月色菊對晚霜枝勝地今皇國休歌王粲詞

雨

暑雨新秋劇茆廬濕不禁氣蒸時見日陰積轉成霖
雲霧北山密烟波南國深牀頭有濁酒獨酌散幽襟

二

日日浮雲色深疑失太陽葉深聽更急
葵意仰何處鄰屋垣頽共泥塗馬去妨
庭間獨鳴鶴爾亦念高翔

登報國寺閣

毘廬閣望盡京華樓閣參差雲霧遮
雨雪高城催歲暮音書故國渺天涯

代北風煙迷處所雲間孤影見鴻飛
閨中錦字空相憶塞上金鞍仍未歸

后皇開山祗樹林直布大地皆黃金
朱堯轟起雲天麗翠木環圍石道陰

南去北來何日了勞勞千古更魂消
才過報國松間

金山志卷之三
寺又度盧溝月下橋

古有勞勞銷魂二亭

冬閨和李宮諭

歲閨移陰律寒深值晚冬
市飈連九陌樓雪俯千墉
宮醞閒能醉鄉書病懶封
虛慙殿門籍寂寞卧高春

除夕和石潭學士時

車駕狩于榆林

正德丁丑

更燒殘燭坐虛筵起視明星在
遠天客夜杯盤隨俗
舉城春花柳向誰妍
愁心暗逐堦蒼老
芳訊頻經隴
月圓身事流年那可消
箕山終愧古人賢

元日用前韻

敬觴栢酒對春筵
樓雪宮雲倚曙天
後飲屠蘇驚老

大驛看花藥笑新妍青山近郭浮煙迥碧樹籠街
景圓已見三陽開道泰早聞連茹進才賢

送客

春來每日晴明少送客城陰騎馬遲
返照沙邊寒欲斂行雲江上曉頻移
謾勞藥裹供愁病且折花枝賞別離
故里交親如問訊石泉山月負幽期

符子夕暮登京南邁予日思之恨不能從也作

此訊寄

北風日日河水冰壯愁病思君萬里行
江上歸帆何日到天涯旅夢幾回成
青春自改浮雲色幽谷虛傳好

烏聲通客總貽猿鶴笑故山空繫薜蘿情

垂至都下子容侍讀兄叙舊見貽用韻和酬

遠別豈知仍聚首相過不厭屢迴車江湖句憶停雲
裏勲業心悲覽鏡餘海內故交誰在眼病來癯貌猶
憎予摧頽敢附青霄翼忝竊還登白玉除

少傅靳公歸丹徒

黃閣絲綸貴東山水石情留侯終謝病疏傳早辭榮
江寺移舟近城居種竹清揮金會鄰曲舉酒話昇平

贈董宮諭

揚帆別潞渚鳴騶指越鄉恩輝馳滿路顏色奉高堂

賜錦裁春服官繆獻壽觴五色文章貴天池待鳳凰
崔子謝病還鄴懷寄

相送出郊寺獨歸愁郭門春城涉遠道朝雨戀芳樽
幽夢時或到素心誰共論若爲經濟畧歸卧水雲村
贈劉使君之成都

爾向蠶叢去榮分竹使符沂江瀧石險入郎鶴琴孤
雪嶺看松日蓉城坐畫圖文翁有石室千古在成都
贈汪尉

裘馬去翩翩人稱縣尉仙榜歌津柳外官舍海雲邊
魚鱗環溪市蕪葭入野田相送憶佳政無爲別輿牽

送進士陳則英歸覲。

長安闕下送離觴，才子寧親赴北堂。
已喜登科同片玉，曾看作賦比長楊。
歸帆夜度閩川月，舞袖春攜漢殿香。
暫到故園非久別，雲霄計日待鵷行。

奉同溫宮諭移疾寺居之作。

九衢車馬暗塵氛，仙客西堂卧白雲。
靜愛市朝堪吏隱，勝將泉石與僧分。
澄心夜對蓮花水，秘曲朝披貝葉文。
獨有可人期不至，素琴蘿逕立斜曛。

倫編脩歸娶例贈

捧詔辭東觀，鳴檝下南川。
昔言歸駟日，不羨棄繻年。

寒度梅花嶺春歌桃葉篇知君世良史來續子長編
贈致政李尚書

時士皆求遇明公屢乞身三朝均雨露八座切星辰
闕望辭明主林歸復幾人青宮增秩重綠野構堂新
柳映懸車夕花明放棹春今朝國門道歎息望行塵
湯處士

此生已老蠹魚間猶抱遺經手自刪他日襄陽訪耆
舊龐公知在鹿門山

溫宮諭省親

巴道瞻雲迴燕關立馬寒行辭青殿直歸奉綵衣歡

宅傍花谿靜，盈露菊露團。寧當戀丘壑，逆擬接鷓鴣。
送王提舉

裝車候明發，薊城煙露寒。壯心悲遠別，苦節耐微官。
天地重溟盡，江山百粵盤。攜家赴蠻徼，南斗望長安。
贈余太史副憲廣東

含香舊仙吏，何事下蓬萊。斧鉞移南海，星辰別上台。
嶺遙思馬度，關曉見梅開。五典敷文教，三長歎史才。
一去青冥鶴，芝田遲爾回。

登慈仁寺閣餞楊殿撰

獨鳥層雲盡，驚鴉落木多。登高堪一賦，送遠奈愁何。

市空塵霧僧房自辟蘿
臨觴勸取醉此地幾經過

徐侍讀別後寄贈

行輶望已遠悠悠那復親
微霜映郊樹斜日暗京塵
身病嗟行役情真念吐申
惟應梅驛使頻寄薛園春

二

昔約去同載君去我留仍
寧知赤驥尾不得附蒼蠅
對酒歎宵月買棹怯寒冰
忽在河洲翰離思渺然增

胡進士出宰東陽便省並翁僉憲送贈

渡淮津吏識客似棄繻還
作宰銅章貴寧親綵袖班
沙明嚴子瀨花暗婺州山
應嗣霜臺美寧勞百里間

贈劉卿

春棹問南京，符臺拜列卿。
波晴搖浦樹，草綠上宮城。
勝得江山覽，閒兼吏隱名。
風埃日驅馬，琴瑟望羨君行。

張侍御謫判晉州

舊日埋輪使，中朝仰姓名。
忽聞遷客詔，獨問晉州程。
暮雨留看劍，長河對濯纓。
浮榮是何物，且慰病身輕。

二

聖明恩意厚，謫官亦王畿。
莫下楊歧淚，旋看賈傅歸。
城臨滹水靜，樹遶晉山微。
悵惜三春晚，風花幾片飛。

贈侍御乾德

西蜀觀風使春明別帝鄉
法星移益部仙鶴下巖塘
晚驛催霜節秋燈檢皂囊
潘輿况扶侍桑梓有輝光
贈王克明進士之吉郡

豫章十三郡廬陵實壯哉
藝文今代盛忠節古祠開
山擁青螺出洲分白鷺迴
投刃自茲去人稱理劇才
集壽僧房錢少司成汪先生之南京和席間韻
野寺攜尊訪昔遊石堂風雨坐相留
簷前老樹身全濕竹裏深煙氣暗浮
多病此時須勸酒異鄉何處復登樓
平生詞賦關幽興無奈江籬遠去舟

君去扁舟碧水陰古蘭幽杜藹芳襟
移榻野鷗陪宴

坐開尊江月照離心
春鶯自解遷喬木
海鶴誰應別故岑
悵憶先朝供奉日
西清鐘漏隔花深

賦少師楊公石齋

自昔愛此石齋居
因得名省身成砥礪
比德象堅貞色染雲嵐古
陰留竹栢清補天功已鉅
障海力猶勦瑞擬川珍
真高看國柱擎鑄崖方紀
頌漱渚詎關情願以如磐固
千秋奉 聖明

題李學士書

杏閣依青嶂蘿軒俯綠曠
路迷仙子宅花暗羽人丘
水訐伊瀍闕山疑鄩杜幽
傍崖交雜樹懸石下飛流

谷曉催禽哢郊晴喚客遊誰言居玉署長此對清流

瞻辰樓

高樓薄泰清宴坐接仙庭風傳丹禁漏天拱紫微星
樓下長安道車馬塵冥冥

待曙樓

聞鐘起振衣展席坐東扉松巖微月墮花林芳露稀
悟澹境方寂遺俗慮應稍稍晨光集衆禽川上飛

題楊時明瀛州別業

別業踞仙洲仙人洞壑幽巖迴疑徑斷林抱見溪流
竹隱橫琴坐花隨放棹遊終期謝簪綬掃石卧茲丘

聽琴

聞客清宵撫玉琴
露涼新月在高林
憑君洗淨松風耳
無限人間鄭衛音

漁父

滄洲漁父人不識
日暮移舟煙水寂
沙頭野飯暫維
稍蓬裏天涼自吹笛
笛聲嘹唳度江門
荻花楓葉滿
秋村溪邊雲月長
相待世間功名安足論

李學士徵園秋霽

玉堂仙人入直還
盡日閒園惟閉關
展席平臨堦下
樹開簾遙對几前山
紫微陰深日卓午
石榻微涼

鳴雨檐道聲飛泉瀑寒雲根色馳莓苔古仙人步
出幽林長嘯時聞鸞鳳音手揮綵筆吟芳荏目覩飛
鴻彈素琴琴書偃傲有餘清竹窓今夜月華明誰言
西掖絲綸貴更有東山蘿薜情

傳 制遇雨紀事

三殿初開夜漏遲從臣猶肅漢官儀喧呼馬僕燈沉
陌零亂鷓班雨滿墀

每歲宗藩當遣使錦旄龍節載恩輝昨年冊禮彌年
舉 聖駕新巡漠北歸

至尊新免 大皇喪傳制分封舉舊章周宗盤石千

年出漢使星輶滿路光

向夕鳴鞘下建章
平明飛輶出長楊
冠軍常侍俱承
寵白馬金鞍從武皇

鈴山堂集卷第五目錄

詩

秋使靜江先憶鈴山草堂

夕次通州懷京邑僚友

天津

雨夕作

夾溝驛聞曹太僕舟過追候不及寄之

過彭城

呂梁題陳工部觀物亭

高郵湖夜泛

揚州

西湖杭守置酒

九日將至衢州寄揚使君

十日李使君郡齋宴

玉山館吳仁甫太史

奉題閣老費公至樂樓

龍津驛逢錢使君

同徐郡侯登凌渠亭

登宜春風雨在諸公出餞別後懷寄

宣風館

夕次宣風館見壁間題韻輒次一首

盧溪謁周公祠

夕次醴陵

行經長沙江寄易太史

淶口驛

衡山舟中卧病

謁南嶽

宿雲開堂

宿雲開堂聞提學常甫允行部奄至遣書迓之

登嶽憇半山亭

經湘南寺

下祝融宿南臺寺

嶽下逢常甫兄

南臺寺同常甫兄宿聞欽之兄自攸縣來會

嶽下答常甫兄見贈

雲霧堂逢欽之

常甫憲副欽之翰檢與予先後登嶽欽之獨值

雨是日予與常甫坐候雲開堂因賦二章

往歲西泉子約予同遊衡嶽而予不果西泉子

有詩見懷茲登上封追憶前韻和寄西泉子

方廣寺宋晦菴南軒二先生所經衡守計使君

期遊

宿方廣寺讀朱張二先生唱酬集

經西明山

再遊水簾洞

胡文定公書院

南嶽道士

觀音巖僧

衡州

鴈峰寺易太史計使君集

花藥寺

衡州與易太史別

長至祁陽縣行禮時 車駕北征

題瀟湘樓

鎮國山亭

永州城西朝陽巖踞湘水上景號奇絕太守何

君携酒巖上

尋愚溪謁椰子廟

見梅花

全州道中

宿深溪館

全州古松歌

湘山寺唐無量壽佛示寂地

過盤石太守華玉賦詩處

山棗驛夜坐

興安縣

白竹舖

公安何公大古令睢寧有致雨滅蝗瑞麥三異

政令子方伯廷佩請予賦詩

兩廣大都憲楊公母夫人壽祠

金上卷一
三三三
太府宴

官署梅花一株盛開

題雙松卷

賦胡明府歸樂堂

瑜大行宗之靜藩祭葬別贈

鈴山堂集卷第五

詩

使粵葉

漁石唐龍

升菴楊慎評點

秋使靜江先憶鈴山草堂

南濟江湘去意賒草堂秋色滿煙霞還家偶值陶潛菊奉使真隨博望槎市近親賓能載酒逕深旌節故穿花祇於泉石應堪老未倦風塵空自嗟

夕次通州懷京邑僚友

蕭條古臺上雲日蔽秋陰已判同人袂偏傷獨客心

壞窻微月度高樹早寒侵沉念待明發東山蘿薜深

天津

雙流赴海奔形勝此中存潮汐浮元氣金湯峙國門
亭秋葉盡落江曙景逾昏厭聽城笳起邊愁入夢魂

雨夕作

秋氣總成悲那堪積雨時客衣新授褐林葉故辭枝
關塞書難問風波鬢易絲停舟聞夕鴈渺渺向南馳
夾溝驛聞曹太僕舟過追候不及寄之

沛江秋水驛門深斜日扁舟度柳林河漢易成千里
隔雲山難寄萬重心

過彭城

十月彭城水臨觀勢渺漫客帆牽真樹杪日夕畏風湍
汴泗流爭長魚龍卧未安無人守真茆屋寂寞傍江干

呂梁題陳工部觀物亭

風葉飄搖秋意深古墻幽竹自成林閉門吏散焚香
坐誰識亭中靜者心

高郵湖夜泛

四望渺無際中流揚素波褰衣露華重開帆月色多
病骨成蕭爽秋光入盪摩漢槎天上客歷歷近星河

揚州

金上卷之三
觀憶瓊花色橋憐萬柳陰蕪城舟夜月懷古一悲吟
勝蹟那堪問長江獨至今波間飭龍艦早晚翠華臨

時

上將南巡

西湖杭守置酒

朱幡翠幌在蘭舟綠水澄潭寫我憂雲破樓臺明曉
日筵開簫鼓競中流煙中榭逕藏山寺蹟際菱歌起
釣洲古木蘇堤頰悵望看君爲政繼前修

九日將至衢州寄楊使君

節序信流邁川途仍阻修那知逢九日復此對孤舟
村晚楓鳴葉沙寒鴈叫儔爛柯應在眼未插菊花遊

在揚州

青藥那經眼空尊解浣愁
招尋從令節歡讌阻良儔
寂寂隨寒鷹茫茫泛夕流
繁香未衰歌歸賞故林秋

十日李使君郡齋宴

未對重陽菊還逢地主杯
風光寧自異懷抱轉須開
戶引清香入山邀好月來
巖城看未鎖燈火逐江回

玉山館吳仁夫太史

辭燕仍伏暑度越已深秋
並署欣今命聯舟感昔遊
節過黃菊雨詩記玉山郵
客路同知己清尊合勸酬

予昔計偕北上與吳同載

奉題閣老費公至樂樓

袞繡辭天寵巖巒選地偏橫林水石處曾憶釣遊年
旋馬開新築焚魚樂靜便峰晴窻列障松暝鶴栖煙
意狎親魚鳥神怡對簡編塞幃川霧濕搖筆逗花燃
白傳香山社歐公潁水田傳家餘故業經世賴高賢
應有青藜使來尋閣上仙

龍津驛逢錢使君

袁山借寇何由得鄱水逢君本未期為政風流應兩
郡懷人雲柵總多時滄江暮雨維舟楫古驛殘花對
酒卮知已難同嘉會少孤帆欲別更遲遲

同徐郡侯登浚渠亭

渠在郡城西唐刺史李將順所置其利月爲
李渠久湮徐浚之築亭其上傍有龍祠

徐侯亭予李侯渠水石新呈宿莽餘秋淨野田聞鶴
語雲深仙洞隱龍居驅馳暫駐三湘節登賦初陪五
馬車此日佳遊習池共他年故事峴山如

發宜春風雨枉諸公出餞別後懷寄

出郭眾峰暝蕭蕭風樹鳴嶺危攀磴上橋斷涉溪行
四牡勤王事三湘問楚程郡齋山霧裏回望渺層城

二

巖程不可住風雨且須行驛荷群公餞山憐候吏迎
亂峰連霧色深樹隱溪聲夙有遐觀志因忘故土情

宣風館

宣風館前新雨晴南北平分水陸程客心不柰寒溪
水一夜潺湲樹裏聲

夕次宣風館見壁間題韻輒次一首

下馬疎林新月痕
隔籬呼酒問清渾
江流萍實此鄉
路祠隱瀟溪何處
村塵裏征驂
來去壁間題墨半
明昏舟輒欲掛
湘江
水蘭杜難招楚客魂

縣有萍實橋相傳是

王得萍實於此盧溪鎮有周元公祠

盧溪謁周元公祠

古鎮無監稅高賢有奉祠位卑名德重世遠士民思
風月盧溪迴衣冠宋代遇停驂肅瞻拜敢惜去程遲
夕次醴陵

晨裝去萍邑夕駕憇長沙湖江通兩鎮井里帶千家
楓岸霜鳴葉盧洲月映花即看臨桂水還喜泛星槎
行經長沙江寄易太史

酌酒看花興每濃十年林卧阻遊從常參玉署歸難
並遠使滄江去未逢世事總知榮木槿愁心空惜老
雲松湘園門巷雲陽麓日對秋屏翠幾重

雲陽山名

涿口驛

爐寒夜坐湘山榻，霧重晨開涿口船。
寧知東觀神仙侶，未了南邦道路緣。
湘山詩名

衡山舟中卧病

三日病思伏在牀，藥物到口不敢嘗。
蓬間坐失湘山翠，枕上但憶湘流長。
曉報昏霾江氣惡，臨蒸自昔歎殊方。

謁南嶽

濺濺石瀨交寒溜，瑟瑟松枝來遠風。
村經獨樹柴荆外，路指千峰霧靄中。

三日齋心屏俗葷清朝病眼洗衡雲叮嚀入谷停驂
唱恐驚此中猿鶴群

萬壑雲嵐浩蕩開千重泉溜瀉縈迴始憐奇僻非人
境塵迹何緣此度來

宿雲開堂

寤寐名山遊茲夕山下宿虛館絕浮埃沉沉在幽谷
曠曠星暎除颯爽風動木耳目澹無管靜嘿寡所欲
院寂疑清香更長續明燭慚無昌黎誠暗晦安可卜
明發戒僕夫願恣雲霞矚

宿雲開堂聞提學常甫兄行部奄至亟遣書迓

之

夜聞臺端檄欲駐湘中船良遊匪夙約茲會豈天緣
狂思忽如醒擊衣不得眠紙窗露微月髣髴至我前
紅日出東方曉山映澄鮮高吟振衣去期子層雲顛

登嶽憇半山亭

孤亭翠嶺上層雲煙靄微茫萬里分仙家鳥道迴
到石壁猿聲清忽聞幽泉樹杪飛殘滴瑤草巖中吐
異芬看拂丹霄朱鳥近焚香先禮祝融君

經湘南寺

半嶺遙聞深逕鍾石堂蘿薜護青松草堂邀客供僧

方此是雲中第幾峰

丁祝融宿南臺寺

山殿隱蒼堯禪燈照寂寥亂峰臨宿靄古木認前朝
挑水忽相失浮丘還見招欲跨松巖鶴吹笛遡丹霄
嶽下逢常甫兄

白玉堂中鷓鴣群十年江海歎離分豈意與君逢此
地亂山携酒看飛雲

南臺寺同常甫兄宿是夕聞欽之兄自攸縣來

會

香閣珠林倚半天兩人相對嶽峯眠
卷林葉燭翻疑

金
夢緜鎖乘鸞以下仙雲伴瘦筇過絕壁風傳清嘯隔
蒼煙攸江自有山陰興莫更虛迴半夜船

嶽下答常甫兄見贈

楚鄉杯酒故情濃猶似長安日過從知己日年憐幾
在勝遊今日歎難逢吟看夜棹溪邊月坐對寒流石
上松昨暮祝融應懽別回瞻雲壑已重重

雲霄堂逢欽之

遠信初聞近復疑西堂清怨獨吟時酒更松逕傳銀
燭顛倒風亭洗玉卮

常甫憲副欽之翰檢與予先後登嶽欽之獨值

雨是日予與常甫坐侯雲開堂因賦二章

祠謁朝景暉峰登雲物變今朝山中客零雨罷聲登
踐林深崖路窄幽賞不可適磴滑危難步谷暗近莫
辨茲山號靈幻頃刻殊隱見叨余上晴巒萬狀悉輸
獻愧乏摛毫賦琢句被崖辭君侯擅風騷胷中富溪
嶽佳辭出天巧不復勞洗鍊岳巒闕輝彩草樹迷蔥
蒨豈被山靈妬或遭造物譴並觀欣茲奇獨往惜已
殿期君嗣芒屐言保筋力健

晴登適可想雨望奇莫云三子本同志所歷各不群

冷溟初杲日觸石忽膚雲連峰彌霏雪八垠渺氛氳

金川集卷之三
三
一
歌林怒飈激懸壑流泉奔暝色啼玄狖虎豹夾路闐
俯視臨萬仞悄愴驚心魂平生幾竒遊擬刻石上文
虛館遲回車秉燭冀同論

往歲西泉子約予同遊衡嶽而予不果西泉子
獨遊有詩見懷茲登上封因憶前韻和寄西

泉子

辛了登山願慚輸作賦能自驚疲病力亦上最高層
境迴知凡隔神閒上壽增西巖清夜月應照客吟曾
絕頂有巖陡絕壁立鑿徑如線側足乃可度日捨
身巖前有石梁橫焉曰定心橋俯瞰萬仞同遊者

膽掉目眩莫敢正視予延圻橋上久之傍一老僧
曰觀子神閒其壽徵與并記於此

方廣寺宋晦菴南軒二先生所經衡守計使君

期遊

涉磴登巖費遠尋古松寒寺入榛荆昔賢對榻聞高
咏太守移尊非俗情幽蘭谷裏堪紉佩淥水潭邊可
濯纓林暝杳然迷所適上方臺殿有鐘聲

宿方廣寺讀朱張二先生唱酬集

南嶽衆峰寺寺期夤緣高窮上封覽靜寄南臺眠
湘南與依空瓊瑣不足傳方廣嶽西麓蹟勝由名賢

朱張兩夫子杖屨來常年高辭賁巖石老宿依寒潭
而我二三子景行志彌堅躋攀越林澗悵望迷雲煙
不見谷中人但聞山下泉馳驅限于役申日輶車旋
幽境夙所尚塵累何當捐

經西明山

崖登渺竒興况喜故人同石路寒山裏
幽花晴泫露高樹晚多風勞思何能洗
再遊水簾洞

此是朱陵第二遊恍疑雲水闕仙丘磴盤鳥道蘿煙
噴潭隱龍宮雨氣浮聞有高人眠醉石擬將俗耳洗

寒流摩崖細認題名字
苔色蒼蒼萬古秋

巨石巨一

退醉石
四字

胡文定公書院

文定祠堂衡嶽下
嶽雲祠榜映崔嵬
千年綵畫餘巖室
長遣山靈護綠苔

精思妙契了殘編
杖屨南山二十年
鉛槧未終還仕籍
風塵頽面愧高賢

南嶽道十

焚香松下迎官長
捧爵爐前禮嶽君
青鞋不畏蒼崖路
日日峰頭行白雲

觀音巖僧

自云家世本湘川來住名山斷俗緣
只借蒲團供宴坐不管巖花易歲年

衡州

積水長天盡深冬暮景催吾仍問南去鴈
向此中回嶽晚和雲立花寒對驛開
侍臣清禁上荒徼幾時來鴈峰寺易太史計使君集

石林香逕乍聞鐘落日來登回鴈峰星軺玉節道路
遠洞庭瀟湘雲霧重川長不見傳書鴈寺古仍餘夾
道松寒宵秉燭留連話為惜佳人此地逢

花藥寺

昨暮鴈峰宴舊用非如已今晨花藥來似携餘興往更待好懷開
樓閣盤幽嶂香煙上古臺楚地多奇勝吾慚作賦才

衡州與易太史別

輶軒遵嶺路別棹倚川湄蕭條風壤異婉婉歲年侵
疇昔懷同侶茲鄉逢所欽清芬襲嘉惠逸響激瑤琴
復感承明直何如湘水吟蒹齋攸江上憶爾會相尋
長至祁陽縣行禮時 車駕北征

使節祁陽逢至日縣庭班列覲天光即看暖入深宮
線正想風飄合殿香塞馬力應疲雨雪江鴻書不到

衡湘寒雲落木催愁劇魏闕滄洲引睇長

題瀟湘樓

永州

山色青瑤潤江光素練長誤疑看圖畫乃覺臨瀟湘

鎮國山亭

朱甍開邸第竹逕得山家桂種瑤臺樹蓮開玉井花
傾杯移渤澥染翰動龍蛇疑有神仙過鸞蕭隔彩霞

鎮國工
草書

永州城西朝陽巖踞湘水上景號奇絕太守何

君携酒巖上

危石野亭雲外賞澄潭仙舸鏡中回朝陽巖洞堪留

客瀟水湘山對舉杯

尋愚溪謁柳子

柳侯祠堂溪水上溪樹荒煙非昔時世遠居民無冉
姓蹟音泉石空愚詩城春湘岸雜花木洲晚漁歌清
竹枝才子古來多謫官長沙猶痛賈生辭

見梅花

歲盡荆南霜霰稀天晴山霧濕人衣馬上朝來如見
雪因傍梅花過翠微

全州道中

梅花千樹雪松葉萬溪雲湘源行日日賴爾灑麈氛

宿深溪館

湘臯風物晚淒淒
候館星輶日向西
白屋扉臨一水
靜蒼山路入萬松迷
寒衝毒霧霑衣潤
暝坐幽篁殿
雨低不見此中猿鶴侶
恐棲蘿月在深溪

全州古松歌

全州古松大道邊
白晝暝色行蒼煙
谿迴路轉不知
數直至興安陰
接連蛟龍擎空勢
欲舞往往呼號作
風雨大枝屈鐵少枝盤
偃蹇突怒如相忤
時復一株
羅樵斧槎牙無枝形
獨古誰裁此松經
幾禩國初大
守名猶記復章守勝蹟曾留學士題蘇公繁陰長其

行人憇松風冷冷山寂寥松月皎皎明清霄
想山中風月下定有鶴仙吹玉簫

湘山寺唐無量壽佛示寂地

湘山臺殿翠微連石塔禪身坐儼然
祇樹天移兜率

境金燈焰續會昌年

詩紀
實景不易

雲嵐坐湧巖扉暝薜荔行遮塔
逕斜兩日炎州病如洗
湘山寺裏見梅花

過盤石太守華玉賦詩處

盤石江山雨瀟瀟
行客雙旌足馬遙
醉起題詩臨峭壁
令人却憶顧東橋

山裏驛夜坐

汀嶺路岐仍渺渺拍林風雨更朝朝清溪傍竹聽蕭
瑟小驛燃燈坐寂寥湘浦葉飛驚歲晚鈴山家在憶
音迢垂垂一樹梅花白願爾能將旅思消

興安縣

興安城郭枕高丘湘灘水分南北流萬里橋頭風雪

暮不知何地望神州

城西有萬里橋昔人以
師至此萬里因名

破屋古松喧夕籟遠峰寒霧起層陰梅花兩岸灘江
水歲晚隨到桂林

白竹舖

敝車停白竹舖寒旌駕度黃茆岡江分二水湘灘
外路迤孤城雨雪傍巒洞雲霞隱僻絕野田松竹連
青蒼遙看溪嶂憐佳境况却畏風煙歎異鄉

公安何公大古令睢寧有致雨滅蝗瑞麥三異
政令子方伯君廷佩請予賦詩

中牟循吏績江陵長者言如聞何令事不愧古人賢
爲政寧求異躬行可格天棠留睢水上碑照峴山前
兩廣大都憲楊公母夫人壽詞楊太師文敏之

孫也

中丞繡斧移南粵壽母霞觴宴北堂貞史百年刊闕

金山集卷之三十一
一
範相門三世引書香祥暉映海扶桑近春色臨堦玉
樹長何止庭闈奉牲鼎待看勲業在旂常

太府宴

峰攢錦石當軒秀霧隱晴花拂檻高鼓角聲中催送
酒松杉影裏借揮毫

官署梅花一株盛開

只怪幽香生別院不知春已在南枝繞樹百迴吟看
汝天南日暮酒醒時

題雙松卷

庭中雙松樹柯葉何青青歲晚巖居子相期來斲苓

賦胡明府歸樂堂

燕輿風埃萬里餘
羊腸歷盡始回車
竹泉蘿月皆幽事
桂嶺星巖仍故廬

喻大行宗之靜藩祭葬別贈

宗藩勤卹典漢使下彤墀
雲捧青霄節山開碧殿祠
挂江題句勝滕浦繫舟遲
聞有慈幃別重歌四牡詩

全山堂集卷第五